

Tuzla, 19. decembar 2008. godine

Drina plast otvorila tri nova proizvodna pogona

Okruglim stolom na temu *Razvoj poduzetništva kod povratnicke populacije u Republici Srpskoj*, koji je održan jučer u Donjoj Glumini kod Zvornika, poslovno društvo *Drina plast*, pocelo je obilježavanje Osme godišnjice svog uspješnog poslovanja.

Na okruglom stolu govorili su federalni *ministar* za izbjegle i raseljene osobe *Edin Mušić*, *ministar* za obnovu, razvoj i povratak u Vladi Tuzlanskog kantona *Sead Mujanović*, *podpredsjednica Federacije Bosne i Hercegovine* *Spomenka Micic*, *podpredsjednik Republike Srpske* *Adil Osmanović*, *nacelnik Zvornika* *Zoran Stevanović*, *delegat u Vijecu RS* *Fadil Banjanović* i federalni *ministar* trgovine *Desnica Radivojević*.

Na kraju rasprave donesen je zaključak da se sa nivoa entiteta pronade modalitet za finansiranje projekata razvoja, tako što će ministarstva napraviti strategiju, kako bi se sufinansirale kamate.

Svi uesnici okruglog stola, složili su se da je kompanija *Drina plast*, najbolji primjer kako se povratak može napraviti održivim, ne samo dodjelom krave ili multikultivatora domacinstvima, već investiranjem u proizvodne kapacitete, koji mogu obezbjediti značajniji broj radnih mjesta za povratnike.

Nakon okruglog stola, zvanice i prijatelji kompanije *Drina plast*, pristupili su svečanom cinu otvaranja tri nova proizvodna pogona: *Staklare*, *CNC obradnog centra* i *Pogona za proizvodnju protiv-požarnih sistema* u koje je preduzeće uložilo oko 700.000 KM vlastitih sredstava i zaposlit će 10 radnika. Crvenu vrpcu presjekli su *podpredsjednik Republike Srpske* *Adil Osmanović*, *podpredsjednica Federacije Bosne i Hercegovine* *Spomenka Micic* i *nacelnik Zvornika* *Zoran Stevanović*.

U okviru svečanosti *Drina plastu* i zvanično je dodjeljen ISO certifikat ISO 9001:2000 sistema upravljanja kvalitetom.

U želji da se zahvali onima koji su podržavali rad ove kompanije, direktor *Drina plast* *Haris Becirović* dodijelio je zahvalnice Federalnom *ministarstvu* za izbjegle i raseljene osobe i *Ministarstvu* za obnovu, razvoj i povratak u Vladi Tuzlanskog kantona, kao i poslovnim partnerima.

Kompaniji *Drina plast* jučer su svojim prisustvom podržali predstavnici vlasti oba entiteta, bankari, najveći poduzetnici BiH, kao i poslovni partneri i prijatelji.

Drina Plast na našem tržištu uspješno posluje od 2000. godine i jedan je od lidera u proizvodnji i ugradnji najkvalitetnije PVC stolarije, aluminijske bravarije i termo-izolacionog stakla.

Izvršni producent

BMG Bosanska medijska grupa